



Kommuneqarfik Sermersuumi inuussutissanik tunniussinermik tamanut neqerooruteqartitsineq

1. Aallaqqaasiut

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juuni 2019-imeersoq – matumuuna isumaqatigiissuteqarnissaq aamma tunniussineq/qulaani taaneqartut atuutsinneqalernerat kiisalu neqeroorutinit allattorsimaffik, neqerooruteqartitsinermik ingerlatsiffigineqarput.

Neqerooruteqartitsinermi pineqarpoq Kommuneqarfik Sermersuumut inuussutissanik tunniussineq.

Kommuneqarfik Sermersooq pisiniartarfissamik ataatsimik isumaqatigiissusiornissamik kissaateqarpoq.

Neqerooruteqartumut malugeqquneqarpoq, tamanut saqqummiussereernerup kingornatigut neqerooruteqartitsineq allannguuteqarsinnaasoq, tassunga ilanngullugu immikkut piumasaqaatit aamma neqerooruteqartitsinermi piumasaqaatinik allannguisoqarsinnaammat. Tamanna pillugu Sermersooq toqqaannartumik ilisimatitsissaaq.

Kommuneqarfik Sermersooq neqerooruteqartitsinermi ataatsimoortumi naligiissumik aamma erseqqissumik suleriaaseqarnermik qulakkeerinnippoq.

2. Neqeroorutigineqartup annertussusia aamma ulluliussat

Neqerooruteqartitsinermi tulluuttunik tunniussuinissaq pineqarpoq:

- Inuussutissat imeruusaatillu.
- Kalaalimerngit.
- Sapigalinnut inuussutissat imeruusaatillu (gluten, soja, laktose /qajuusat, soja immuup sukkua)

Suliap aalajangersimasumik imarisai aamma annertussusia piumasaqaatini nassuiarneqarput.

Ullut:

10.08.2026	Neqerooruteqartitsinermik nassiussineq
31.08.2026	Apeqquaqartoqarsinnaavoq augustip 31-at 2026 nal. 12.00. tikillugu
07.09.2026	Neqeroorut tunniunneqassaaq kingusinnerpaamik 7 september 2026 nal. 12.00 kitaani nalunaaqutaq naapertorlugu.
09.09.2026	Suliassamik tunniussinermik aalajangerneq
10.09.2026	Neqeroortitsinermi uninnganeq (ullut qulit) 10. – 21. September 2026
22.09.2026	Isumaqatigiissutitik aallartitsineq

3. Piumasaqaatinik ersarissaaneq

Piumasaqaatit nalinginnaasut:

Pisiniartarfik toqqagassanik assigiinngitsunik amerlasuunik tulluuttunik tunniussisinnaassaaq:

- Inuussutissat, taakkua tassaapput inuussutissat panertut, nillataartut aamma qerisut il.il.
- Imeruusaatit, ilanngullugit immuit aamma imeruusaatit il.il.
- Kalaalimerngit, taakkua tassaapput neqit nutaat kiisalu panertut il.il.
- Sapigalinnut inuussutissat, ilanngullugit glutenfri (qajuusartaqanngitsut), laktosefri (immuup sukkuanik peqanngitsut), sojaqanngitsut il.il.

Inuussutissat kommunip immikkoortuinut naleqquttuussapput, taakkununga ilaapput atuariiit, ulluunerani neqeroorutit, paaqqinnittarfiit, utoqqarnik paaqqutarinniffiit kiisalu immikkoortut allat.

Pisiniartarfik inuussutissanik tunniussisinnaassaaq inuussutissat tunniunneqarneranni naleqquttumik ajortunnguissuseqartunik. Tassunga pissutaavoq immikkoortut assigiinngitsut nioqqutissanik tamaginnik ingerlaannartumik atuisussaangissinnaanerat.

Inuussutissat ajortunnguissuseqarnerannut piumasaqaatit tulluuttut atuupput:

- Nerisassat immuttallit/immuit Sapaatit akunneri pingasut
- Paarnat aamma naatitat: Sapaatip akunnera ataaseq
- Nerisassat panertut qaammatit pingasut
- Qerisut: qaammatit pingasut

Piumasaqaatit minnerpaaffissaat qanorluunniit ikkaluarpata, nioqqutissat asiunermik imaluunniit malunnaatilimmik pitsaassusiat appariaateqarsimasut, tunniunneqassanngillat.

4. Avatangiisinut piujuartitsinermullu piumasaqaatit

- Neqerooruteqartoq CSR-imut imaluunniit ESG-nalunaarusiamik nassiussissaaq.
- Inuussutissat neqeroorutigineqartut meqqiligaasimasuussapput (Nøglehullet, Ø-mærket, fuldkornslogoet il.il.)

5. Tunniussinermut piumasaqaatit

- Ulluinnaat 1-2 Nuummi tunniussisinnaaneq. Pinartumik pisoqartillugu sapinngisamik nalunaaruteqarnerup ulluani tunniussisoqarsinnaanera periarfissaassaaq. Nuup avataanut tunniussinermut piffissarititaasoq allaaserineqassaaq naleqquttuullunilu.
- Neqerooruteqartup tunisassiaq isumaqatigiissutaasoq quersuarmiittuutiginnippagu, allatut iliorluni pissarsiarisinnaassavaa imaluunniit tunisassiamik assingusumik akeqqataanik neqerooruteqarsinnaassaaq.
- Tunniussuinerit kommunip iluani sumiiffinnut aalajangersimasuni pisassapput.
- Nioqqutissiat piffissaq aamma annertussutsit pillugit isumaqatigiissuttaasimasut malillugit tunniunneqartassapput.
- Neqerooruteqartoq kommunip immikkoortuinut attaveqarnerminik attassisinnaassaaq, isumaqatigiinngittoqartillugu kiisalu suleqatigiinneq pillugu paasissutissanut tunngasutigut.

6. Tunniussinissamut piumasaqaatit

Neqerooruteqartitsisup qulakkiissavaa nioqqutissiat neqeroorutigineqartut:

- Nioqqutissat meqqilersorneqarsimanissaannut piumasaqaammik naammassinnittuunerat (Nøglehullet, Ø-mærket il.il.)
- Poortuutaat annikinnerpaaffimmiittut nukissanillu annikitsuaqqamik atuisuunerat.

Neqerooruteqartup tunniussinissamut suliniutitik nassuiaatigissavai, tassunga atatillugit:

- Nioqqutissanik kiffartuussinernillu inniminnikkanik nalinginnaasumik tunniussinissamut piffissaliussat.

- Assartuinissaq pillugu paasissutissiineq, tassunga atatillugu assartuinermi aamma agguassinermi periutsit.
- Kommunimi illoqarfiit immikkoortuini nunaqarfinnilu tunniussinerit akulikissusiat.
- Piffissaq eqqorlugu tunniussisoqarnissaa qulakkeerniarlugu immikkut ittumik iliuuseqarneq.

Neqerooruteqartup nioqqutissat assigiinngitsut allattorsimaffiannik elektroniskimik tunniussisinnaassaaq, taanna Kommuneqarfik Sermersuumi internetikkut pisiniartarnermik aaqqissuussamut ilanngunneqarsinnaassaaq. Nioqqutissat allattorsimaffiat elektroniskimik inniminniisinaanermut tapersersuutaassaaq, taamaalilluni atuisut internetikkut niuerfimmut inniminniinnernik toqqaannartumik ingerlatsisinnaaqqullugit.

Nioqqutissat allattorsimaffiat minnerpaamik:

- Aaqqissuussaalluni qarasaasianik aqutsissutitut akulerutseriaannaalluni tunniunneqassaaq. (ass. UNSPSC, CSV il.il.)
- Nioqqutissat allattorsimaffia tunisassiat paasissutissartaannik, akinik, nioqqutissat aqqaannik inniminniinnermilu paasissutissanik allanik imaqqassaaq.
- Pisiniartarfiimut ingerlaavartumik imaluunniit pisiniarlu isumaqatigiissutit aallaavigalugit nutarterneqartassaaq.

7. Neqerooruteqartumik ilisaritsineq

Neqerooruteqartoq pillugu naatsumik nassuiaat ilanngunneqarsinnaavoq.

8. Akit kiffartuussinermullu aningaasartuutit

Takussutissaq ilanngunneqartoq takuuk. Neqerooruteqartumit paasissutissat annertunerusut ilanngunneqarsinnaapput.

9. Suliakkiisoq

Kommuneqarfik Sermersooq
 Suliffeqarfiup iluani Kiffartuussivik
 Suliffeqarnermut Isumaginninnermullu Ingerlatsivik
 Meeqqanut Atuarfeqarnermullu Ingerlatsivi
 Maili: udbud@sermersooq.gl

10. Apeqqutit akissutillu

Apeqqutit allaganngorlugit kalaallisut danskisulluunniit uunga nassiunneqassapput udbud@sermersooq.gl. Sammisatut allanneqassaaq:

"Kommuneqarfik Sermersuumi inuussutissanik tunniussinermik tamanut neqerooruteqartitsineq".

Apeqquteqartoqarsinnaavoq augustip 31-at 2026 nal. 12.00. tikillugu.

11. Isumaqatigiissut

Isumaqatigiissut Kommuneqarfik Sermersuumi suliarineqassaaq, illuatungeriinniillu atsiorneqassaaq.

12. Isumaqatigiissummik tunniussineq

Isumaqatigiissut tunniunneqassaaq "akit pitsaassutsillu" akornanni pitsaanerpaamik takutitsisumut. Pointilersuineq pereerpat nalilersuineq pissaaq:

Piumasaqaammik naammassinninneq	Pointit
Piumasaqaatinik pitsaavissumik/naammaginavissumik naammassinninneq	5
Piumasaqaammik pitsaasumik naammassinninneq	4
Piumasaqaammik naammaginartumik naammassinninneq	3
Piumasaqaammik akunnattumik naammassinninneq	2
Piumasaqaammik akunnattumit appasinnerusumik naammassinninneq	1
Piumasaqaammik naammaginangvissumik naammassinninneq	0

Piumasaqaatit allat	Pingaartitat
Aki	40 %
Nioqqutissat aamma pitsaassutsit assigiinngitsut	25 %
Tunniussinnaanerisa qularnaannerat aamma kiffartuussineq	25 %
Piujartitsineq aamma silap pissusia	10 %

13. Neqerooruteqarnissamut piffissaliussaq

Neqerooruteqarnermut killiliussaq tassaavoq 7 september 2026, nal. 12.00 Kalaallit Nunaata kitaani nalunaaqutaq malillugu. Neqeroorutit tiguneqartut ammarneqarneranni najuuttoqarsinnaanngilaq. Neqerooruteqartoq ataasiinnarmik neqerooruteqarsinnaavoq.

14. Atuutsinneranut killissarititaq

Neqeroorut oktoberip 31-at 2026 tungaanut neqerooruteqartumut pituttuisuussaaq.

15. Sillimaffigisassaq

Neqerooruteqartut kaammattorneqarput nangaassuteqaannaratik apeqquteqartassasut. Neqeroorutit nangaanartoqartinneqartut itigartinneqarsinnaapput.

16. Neqerooruteqarnerit allat

Neqerooruteqarnerit allat akuerineqassanngillat.

17. Oqaatsit

Neqeroorut kalaallisut imaluunniit qallunaatut allaqqassaaq.

16. Neqeroorummuk akiliut

Neqerooruteqarnermi atortut utertinneqassanngillat, neqerooruteqarnerlu pillugu akiliuteqartoqassanngilaq.

17. Neqerooruteqartitsinermi angusaq pillugu ilisimatitsineq

Pisiniartarfissamik toqqaasoqareernerata kingornatigut neqerooruteqartut tamarmik ilisimatinneqassapput.

18. Isumaqatigiissut malillugu suliaqatigiinnermik naliliineq

Illuatungeriit suleqatigiinneq pillugu ingerlaavartumik nalilersuisassapput.

19. Isumaqatiginninniarnissamut inerteqqut

Neqerooruteqartitsinerup nalaani isumaqatiginninniartoqassanngilaq.

Naammagittaalliuteqarsinnaaneq Pisortat Pisiniartarnerat pillugu naammagittaalliuut uunga tunniunneqassaaq; Neqerooruteqartitsinermi Maalaaruteqartarfik Inatsisartut inatsisaat nr. 6, 12. juuni 2019-imeersoq malillugu

Ilanngussaq

- Ilanngussaq 1. Indkøbs- og Udbudspolitik 2024 med etisk kodeks
- Ilanngussaq 1.1. Pisiniartarnermut neqerooruteqartitsinermullu Politikki 2024
- Ilanngussaq 2. Isumaqatigiissummut missingiut
- Ilanngussaq 3. Ilumoorluinnarnermut uppersarsaaneq
- Ilanngussaq 4. Neqeroortitsinermi ilanngussat
- Ilanngussaq 5. Allattukkanik ilisimaarinninneq